

in fundo, unde non tutum est navibus ferro compactis aut oneratis per id transire: Facile enim in fundum magnetis via attrahi possent. Quod cum ignoraret jam dictus rex, & navi submersa reliqui perirent, ipse natatione evasit solus. Corona illi remansit rubinis luctens insignibus, qua facile agnosci & in regnum suum reduci possit. At quae bona sunt, quae regius hic filius illi, a quo in propriū regnum reduceretur, impetriri queat aut velit? Sanè non ejusmodi, qualia Ptolomæus rex Ægypti ultimus, Pōpejo, a quo patre ejus in regnū Ægyptium restitutus erat, scilicet, proditionem & mortem, sed sanitatem, morborum sublationem, vitæ ab iis præservationem, rerum necessariarum usum & cornu copiæ, honorem & amorem; quæ cum non sint vulgaria aut mediocria, sed summa hujus vitæ viatica & ornamenta, quis ea non, nisi plumbeus, appeteret? quis non ad nataret illi? quis manum non præberet & in scapham per trahe ret? At videndum, ne inter opitulandum illi diadema in mare decidat: Tum enim vix pro rege agnoscatur, nec a subditis recipetur: Quia pyropus periisset omnibus venerabilis, quia Bezoar lapis, omnibus sanitatem spondens, evanisset: Hinc Rosarius citat Aristotelem, his verbis. *Elige tibi pro lapide, per quem reges venerantur in diadematis suis, & per quem physici habent curare ægrotos suos; quia ille est propinquus igni.* Absque enim virtute medicinali corona esset nullius valoris. At quid faciendum regi jam liberato? Ab aquis haustis liberandus est per sudorifica, a frigore per calorem ignis, a torpore membrorum per balnea moderate calida, a fame & inedia per administrationem convenientis diætæ & ab aliis externis malis per sua contraria & salutifera remedia. Deinde de matrimonio Regali illi providendum erit, & suo tempore ex eo generabitur proles optatissima, gratissima omnibus, pulcherrima & fœcundissima, quæ omnes suos proavos superabit potentia, regnis, ditionibus, populis, divitiis & opibus atque hostes sibi subjiciet, nō bello, sed humanitate, non tyrannide, sed clementia, quæ ipsi genuina & propria est.

Dis